

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ
ҚАРОРИ



ПОСТАНОВЛЕНИЕ
ПРЕЗИДЕНТА
РЕСПУБЛИКИ УЗБЕКИСТАН

2018 йил “ 13 ” ноябрь № ПҚ-4015 “ ” 20 г.

**Паррандачиликни янада ривожлантириш бўйича
қўшимча чора-тадбирлар тўғрисида**

Мамлакатимизда паррандачилик соҳасини ривожлантириш ва экспортга мўлжалланган тайёр маҳсулотлар ишлаб чиқариш ҳажмини ошириш ва турларини кенгайтириш, шунингдек аҳолини маҳаллий ишлаб чиқарилган сифатли ва арзон паррандачилик маҳсулотлари билан таъминлаш бўйича изчил чора-тадбирлар амалга оширилмоқда.

Шу билан бирга, соҳани янада жадал ривожлантиришга, жумладан замонавий технологияларни жорий этиш, ишлаб чиқариш жараёнини модернизация қилиш ва тайёр паррандачилик маҳсулотлари экспортини кенгайтиришга тўсқинлик қилаётган қатор муаммолар мавжуд. Хусусан:

биринчидан, паррандачилик маҳсулотларини қайта ишлаш даражаси паст, тармоқ маҳсулотларини ишлаб чиқариш ва экспорт қилишда ярим тайёр маҳсулотлар улуши юқориликча қолмоқда, шунингдек парранда чиқиндиларини чуқур қайта ишлаш тизими йўлга қўйилмаяпти;

иккинчидан, паррандачилик соҳасида, асосан, товуқ етиштириш билан чекланиб қолинмоқда, бошқа парранда турлари (курка, бедана, ғоз, ўрдак, туяқуш, каклик ва бошқалар) етиштиришни оммалаштириш чоралари кўрилмаяпти;

учинчидан, парранда касалликларини ўз вақтида аниқлаш ва уларнинг олдини олиш бўйича замонавий биологаториялар ташкил этилмаганлиги оқибатида паррандалар орасида юқумли касалликлар тарқалиб бормоқда;

тўртинчидан, соҳада малакали кадрлар тайёрлаш, уларни ишлаб чиқаришнинг замонавий услубларига ўқитиш, соҳа мутахассисларида инновацион ёндашувлар ҳамда кўникмалар шакллантириш, ишлаб чиқаришда юқори сифатга эришиш учун хорижий мутахассисларни жалб қилиш ишларига етарлича эътибор қаратилмаяпти;

бешинчидан, парранда озуқа базасини яратиш, импорт ўрнини босувчи озуқа маҳсулотларини ишлаб чиқариш ишлари талаб даражасида йўлга қўйилмаган;

олтинчидан, парранда маҳсулотлари экспорт қилинаётган давлатлар географиясини кенгайтириш, шу орқали экспорт ҳажмини кескин ошириш чоралари кўрилмаган;

етинчидан, соҳага тўғридан-тўғри хорижий инвестицияларни киритиш бўйича тажриба етарли эмас, бу борада етакчи хорижий ҳамкорлар билан яқин алоқалар йўлга қўйилмаяпти.

Республикада паррандачиликни янада ривожлантириш ва ҳар томонлама қўллаб-қувватлаш, соҳага илғор технологиялар ва инновацион ишланмаларни жорий этиш, парранда маҳсулотларини қайта ишлашни чуқурлаштириш, уларнинг турлари ва экспорт кўламини кенгайтириш мақсадида:

1. Қуйидагилар паррандачилик соҳасини ривожлантириш бўйича устувор вазифалар этиб белгилансин:

рақобатбардош парранда маҳсулотлари ишлаб чиқариш орқали аҳолини етарли миқдорда парранда маҳсулотлари билан барқарор ва мақбул нархларда таъминлаш, экспорт салоҳиятини ошириш;

илғор хорижий давлатлар тажрибасидан фойдаланган ҳолда паррандачилик кластерларини ташкил қилиш, бунда инновацион технологияларни кенг татбиқ этиш;

соҳага фаол инвестиция жалб этиш орқали парранда маҳсулотларини, шу жумладан парранда чиқиндиларини чуқур қайта ишлаш, юқори кўшилган қийматли парранда маҳсулотларини ишлаб чиқариш;

илмий-диагностика лабораториялар ташкил қилиш орқали паррандалар орасида касалликларни барвақт аниқлаш ва олдини олиш чораларини кўриш;

озуқа базасини кенгайтириш, импорт ўрнини босувчи озуқа ва витаминларни ишлаб чиқариш;

паррандачилик соҳасида юқори малакали мутахассисларга бўлган жорий ва истиқболдаги эҳтиёжларни ҳисобга олган ҳолда кадрлар тайёрлаш, қайта тайёрлаш ва уларнинг малакасини оширишни таъминлаш.

2. Ўзбекистон Республикаси Қишлоқ хўжалиги вазирлиги Иқтисодиёт вазирлиги, Давлат солиқ қўмитаси, “Паррандасаноат” уюшмаси, Қорақалпоғистон Республикаси Вазирлар Кенгаши ва вилоятлар ҳокимликлари билан биргаликда ишлаб чиқилган 2019 йилда республикада:

паррандалар сони ва етиштириладиган маҳсулотларнинг прогноз параметрлари 1 ва 1а-иловаларга мувофиқ;

паррандачилик маҳсулотларини етиштириш ва қайта ишлаш корхоналарини ташкил этишнинг прогноз параметрлари 2-иловага мувофиқ;

паррандачилик маҳсулотларини экспорт қилишнинг прогноз параметрлари 3-иловага мувофиқ;

саноат усулида боқилаётган паррандаларнинг озуқага бўлган талаби параметрлари 4-иловага мувофиқ;

парранда озуқасини етиштириш учун тадбиркорлик субъектларига ажратиладиган ер майдонлари 5-иловага мувофиқ тасдиқлансин.

Қорақалпоғистон Республикаси Вазирлар Кенгаши ва вилоятлар ҳокимликлари бир ой муддатда Ўзбекистон Республикаси Қишлоқ хўжалиги вазирлиги, “Паррандасаноат” уюшмаси ва “Ўзсаноатқурилишбанк” АТБ билан биргаликда ушбу қарорга асосан ўрнатилган прогноз параметрлари ижросини таъминлаш юзасидан **туманлар ва паррандачилик хўжаликлари кесимида манзилли чора-тадбирлар дастурларини ишлаб чиқиб тасдиқласин**, уларнинг самарали ва тўлиқ ижроси юзасидан тизимли мониторинг ўрнатсин.

3. Ўзбекистон Республикаси Тикланиш ва тараққиёт жамғармасининг (кейинги ўринларда Жамғарма деб юритилади) маблағлари ҳисобидан эквиваленти **50 миллион АҚШ доллари миқдорида “Ўзсаноатқурилишбанк”** АТБнинг устав капиталидаги давлат улуши оширилсин.

Белгилансинки:

“Ўзсаноатқурилишбанк” АТБ устав капиталига йўналтириладиган Жамғарма маблағлари Ўзбекистон Республикаси Президентининг 2017 йил 6 январдаги ПҚ–2718-сон “Озиқ-овқат, чарм-пойабзал ва фармацевтика саноатида инвестиция лойиҳаларини молиялаштириш манбаларини кенгайтириш чора-тадбирлари тўғрисида”ги қарорига мувофиқ “Ўзсаноатқурилишбанк” АТБ томонидан очилган кредит линияси маблағлари ҳисобидан ажратилади;

Жамғарма уч ой муддатда ушбу бандда кўрсатилган маблағларни “Ўзсаноатқурилишбанк” АТБ устав капиталига ўтказиб берилишини таъминласин;

Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат қўмитаси ўрнатилган тартибда “Ўзсаноатқурилишбанк” АТБ томонидан чиқариладиган акцияларни рўйхатдан ўтказилишини таъминласин.

4. Белгилаб қўйилсинки:

“Ўзсаноатқурилишбанк” АТБ устав капиталига киритилаётган 50 миллион АҚШ доллари эквивалентидаги мақсадли маблағлар паррандачилик ривожлантириш соҳасидаги лойиҳаларни молиялаштириш учун бошқа тижорат банкларига ҳам кредитлар ажратиш учун йўналтирилади;

тадбиркорлик субъектларига ушбу бандда назарда тутилган кредитлар бўйича имтиёзлар фоиз ставкаси бўйича тўловларнинг бир қисмини Ўзбекистон Республикаси Вазирлар Маҳкамаси ҳузуридаги Тадбиркорлик фаолиятини ривожлантиришни қўллаб-қувватлаш давлат жамғармаси маблағлари ҳисобидан компенсация қилиш шаклида берилади;

“Ўзсаноатқурилишбанк” АТБ Жамғарма томонидан ушбу бандда назарда тутилган маблағларни банкнинг устав капиталига ўтказилган кундан бошлаб бошқа тижорат банклар томонидан тақдим этилган паррандачиликни ривожлантириш соҳасидаги лойиҳаларни молиялаштириш мақсадида уларнинг ҳисоб рақамларига пул маблағларининг ўтказилишини таъминлайди;

“Ўзсаноатқурилишбанк” АТБ ва бошқа тижорат банклари паррандачиликни ривожлантириш борасидаги лойиҳаларни чуқур таҳлиллар асосида рентабеллик, самарадорлик ва пул оқимларининг кредит ҳамда улар бўйича фоизларни ўз вақтида қайтаришни таъминлаш салоҳиятидан келиб чиққан ҳолда молиялаштиради.

5. Паррандачилик лойиҳалари ҳажми ва уни амалга ошириш учун зарур бўлган валюта туридан қатъи назар тижорат банклари томонидан 2019–2020 йилларда ажратилаётган кредитлар фоизи учун Ўзбекистон Республикаси Вазирлар Маҳкамаси ҳузуридаги **Тадбиркорлик фаолиятини ривожлантиришни қўллаб-қувватлаш давлат жамғармаси ҳисобидан компенсация беришнинг қуйидаги тартиби ўрнатилсин:**

айланма маблағларни тўлдиришга (инкубацион тухумлар, 1 кунлик жўжа, озуқа маҳсулотлари, дори-дармон ҳамда қўшимча компонентлар ва бошқалар) тижорат банки томонидан ўрнатилган **кредит ставкасининг 25 фоизи** миқдоридан, аммо кредит ставкасининг **5 фоиздан** ортиқ бўлмаган миқдорда;

насли она товуқ ва барча турдаги технологик асбоб-ускуналар сотиб олиш, паррандачилик кластерларини ва инкубация цехларини ташкил қилиш, парранда маҳсулотларини қайта ишлаш ва сақлаш, паррандачиликка ихтисослашган бино-иншоотларни куриш ва қайта таъмирлаш, махсус техника ва бошқа асосий воситаларни харид қилиш ҳамда барпо этиш учун тижорат банки томонидан ўрнатилган **кредит ставкасининг 50 фоизи** миқдоридан, аммо кредит ставкасининг **10 фоиздан** ортиқ бўлмаган миқдорда.

Тижорат банклари паррандачилик лойиҳаларини молиялаштиришни кенгайтириш учун халқаро молия институтлари ва хорижий банклар маблағларини жалб этиш бўйича зарурий чора-тадбирларни кўрсин.

6. Ўзбекистон Республикаси Молия вазирлиги ушбу имтиёзлар учун зарур бўлган маблағларни 2019–2020 йиллар давомида Ўзбекистон Республикаси Вазирлар Маҳкамаси ҳузуридаги Тадбиркорлик фаолиятини ривожлантиришни қўллаб-қувватлаш давлат жамғармасига белгиланган тартибда ажратсин.

7. Ўзбекистон Республикаси Қишлоқ хўжалиги вазирлиги, Инновацион ривожланиш вазирлиги ва “Паррандасаноат” уюшмасининг Уюшма ҳузурида барча парранда хўжаликларига хизмат кўрсатувчи **замонавий илмий-диагностика лаборатория марказини** (кейинги ўринларда – Марказ) ташкил этиш тўғрисидаги таклифи маъқуллансин.

Қуйидагилар Марказнинг асосий вазифалар этиб белгилансин:

парранда касалликларининг олдини олиш, аниқлаш ва уларга қарши курашишнинг самарали механизмини ишлаб чиқиш;

паррандаларни озиклантириш учун илмий асосланган меъёрларни ишлаб чиқиш;

барча турдаги парранда гўшти ва тухум маҳсулотларини қайта ишловчи технологик жараёнларни ишлаб чиқиш;

паррандачилик маҳсулотларининг биологик ва экологик хавфсизлигини таъминлаш, паррандаларни боқиш ва уларга берилаётган озуқа базасининг таркиби ва сифатини мониторинг қилиш;

барча турдаги парранда гўшти ва тухумларидан фойдаланган ҳолда умумий, болалар, парҳез ва махсус овқатланишнинг янги турдаги маҳсулотларини ишлаб чиқаришга мўлжалланган технологик жараёнларни ишлаб чиқиш;

паррандачилик хўжаликлари технологик лойиҳалари меъёрларини ишлаб чиқиш ва илмий асослаш.

Тошкент вилоят ҳокимлиги илмий-диагностика биологика лаборатория марказини жойлаштириш учун Тошкент вилояти, Янгийўл тумани, Тинчлик массивидан умумий майдони 1 гектар бўлган ер участкасини ажратсин.

“Паррандасаноат” уюшмаси илмий-диагностика биологика лаборатория марказини зарур бўлган замонавий асбоб-ускуна ва жиҳозлар билан таъминласин.

8. Ўзбекистон Республикаси Олий ва ўрта махсус таълим вазирлиги Бандлик ва меҳнат муносабатлари вазирлиги, Қишлоқ хўжалиги вазирлиги, Инновацион ривожланиш вазирлиги ва “Паррандасаноат” уюшмаси билан биргаликда паррандачилик соҳасида кадрлар тайёрлаш ва уларнинг малакасини ошириш мақсадида илмий-амалий марказни ташкил этиш чораларини кўрсин.

9. Ўзбекистон Республикаси Фанлар академияси “Паррандасаноат” уюшмаси билан биргаликда бир ой муддатда паррандачилик соҳасида илм-фан ва ишлаб чиқариш интеграциясини янада кучайтириш мақсадида узвий ҳамкорликни йўлга қўйсин, паррандачилик соҳасида мавжуд муаммоларни бартараф этиш бўйича “йўл харита”си ишлаб чиқсин.

10. Ўзбекистон Республикаси Қишлоқ хўжалиги вазирлиги, Иқтисодиёт вазирлиги, “Паррандасаноат” уюшмаси, “Ўзсаноатқурилишбанк” АТБ, Қорақалпоғистон Республикаси Вазирлар Кенгаши ва вилоятлар ҳокимликларининг босқичма-босқич барча ҳудудда парранда етиштириш, уни қайта ишлаш ва якуний тайёр маҳсулот тайёрлаб, истеъмолчига етказиш жараёнини тўлиқ камраб олган **паррандачилик кластерларини ташкил этиш (шу жумладан 2019 йилда 13 та)** тўғрисидаги таклифи маъқуллансин.

Ўзбекистон Республикаси Қишлоқ хўжалиги вазирлиги, Иқтисодиёт вазирлиги, Ер ресурслари, геодезия, картография ва давлат кадастри давлат қўмитаси, Инвестициялар бўйича давлат қўмитаси, “Паррандасаноат” уюшмаси, “Ўзсаноатқурилишбанк” АТБ, Қорақалпоғистон Республикаси Вазирлар Кенгаши ва вилоятлар ҳокимликлари билан биргаликда 2019 йил 1 февралга қадар муддатда салоҳиятли тадбиркорлик субъектларини, молиялаштириш манбалари ва ер майдонларини аниқлаб **2019–2021 йилларда паррандачилик кластерларини ташкил этишнинг манзилли дастури лойиҳасини** тасдиқлаш учун Вазирлар Маҳкамасига киритсин.

11. Ўзбекистон Республикаси Қишлоқ хўжалиги вазирлиги Соғлиқни сақлаш вазирлиги, Давлат ветеринария қўмитаси, “Ўзстандарт” агентлиги, “Паррандасаноат” уюшмаси, “Ўзбекозиқовқатхолдинг” ХК ҳамда тегишли вазирлик ва идоралар билан биргаликда 2019 йил 1 февралга қадар илғор хорижий тажрибадан келиб чиқиб, маҳсулот сифатига сезиларли таъсир кўрсатувчи хавф ва муҳим назорат нуқталарини таҳлил қилиш (“НАССР”), Халқаро стандартлаштириш ташкилоти (“ISO”) ва “Halal” стандартлари талабларини инобатга олган ҳолда, паррандачилик корхонасини технологик лойиҳалаштириш меъёрларини ишлаб чиқсин ва парранда маҳсулотларини халқаро тан олинган сертификатлаштириш чораларини кўрсин.

Белгилансинки, парранда касалликларига эмлаш учун ишлаб чиқаришнинг муносиб амалиёти (**GMP – Good Manufacturing Practice**) сертификатларига эга бўлган хорижий ишлаб чиқарувчи компанияларнинг вакцина ва биопрепаратлари Ўзбекистон Республикасида тан олинади ва қўшимча мувофиқлик сертификатлари талаб қилинмайди.

12. “Ўзэлтехсаноат” АК Ўзбекистон Республикаси Иқтисодиёт вазирлиги, Инновацион ривожланиш вазирлиги ва Қишлоқ хўжалиги вазирлиги билан биргаликда парранда маҳсулотини етиштириш ва қайта ишлаш учун зарур бўладиган асбоб-ускуна, жиҳоз ва механизмлар ишлаб чиқаришни 2022 йил якунига қадар маҳаллийлаштириш чораларини кўрсин.

“Паррандасаноат” уюшмаси парранда маҳсулотини етиштириш ва қайта ишлаш учун зарур бўладиган асбоб-ускуна, жиҳоз ва механизмларни маҳаллийлаштириш мақсадида уларнинг рўйхатини зарур эҳтиёж билан шакллантирсин ҳамда “Ўзэлтехсаноат” АКга тақдим этсин.

Ўзбекистон Республикаси Инвестициялар бўйича давлат кўмитаси республикада парранда маҳсулотларини етиштириш ва қайта ишлаш босқичлари учун зарур бўладиган асбоб-ускуна, жиҳоз ва механизмларни ишлаб чиқиш мақсадида “Ўзэлтехсаноат” АК томонидан тақдим этилган лойиҳа ҳужжатларига асосан хорижий инвесторларни жалб этсин.

13. “Паррандасаноат” уюшмаси ва “Ўзбекистон темир йўллари” АЖнинг паррандачилик хўжаликлари томонидан импорт қилинаётган ем бўладиган донни темир йўл орқали ташишда, истисно тариқасида, Мустақил Давлатлар Ҳамдўстлиги темир йўллари тариф сиёсатининг **35 фоиздан кўп бўлмаган миқдорда** чегирма бериш тўғрисидаги таклифи маъқуллансин.

14. Ўзбекистон Республикаси Иқтисодиёт вазирлиги ва “Ўздонмаҳсулот” АК паррандачилик хўжаликларига талаб қилинадиган дон маҳсулотларининг ҳар ойда биржа савдоларига қўйиб борилишини таъминласин.

Ўзбекистон республика товар хом ашё биржасидаги савдоларда паррандачилик хўжаликларига дон маҳсулотлари савдосида қатнашиш “Паррандасаноат” уюшмаси томонидан солиқ ҳамда ветеринария ҳисоботларида акс этган парранда бош сонидан келиб чиқиб ва белгиланган тартибда дон маҳсулотлари бўйича тасдиқланган меъёрларга мувофиқ тузиладиган рўйхат асосида паррандачилик хўжаликлари иштирок этиши ҳамда ушбу рўйхат доимий равишда “Паррандасаноат” уюшмасининг веб-сайтида жойлаштириб борилиши белгилансин.

Белгилансинки, Ўзбекистон Республикаси Давлат ветеринария кўмитаси ушбу банднинг иккинчи хатбошисида кўрсатиб ўтилган рўйхатдаги парранда бош сони, дон маҳсулотлари бўйича тасдиқланган меъёрларга риоя этилганлигини тизимли мониторинг қилади, шунингдек дон маҳсулотлари савдосида паррандачилик хўжаликларининг қатнашиши ёки қатнашмаслиги юзасидан “Паррандасаноат” уюшмасига ҳар ойда маълумот тақдим этади.

15. “Ўзбекистон темир йўллари” АЖ ва “Ўзбекистон ҳаво йўллари” МАК республикага хориждан олиб кириладиган барча турдаги насли паррандаларнинг 1 кунлик жўжаларини, парранда озуқа ва озуқа қўшимчаларини узлуксиз ташиш мақсадида “Паррандасаноат” уюшмаси ва паррандачилик хўжаликларига амалий ёрдам кўрсатсин.

16. 2021 йил 1 ноябрга қадар муддатда:

насли она товук ва барча турдаги технологик асбоб-ускуналар сотиб олиш, парранда етиштиришни ташкил этиш, парранда маҳсулотларини қайта ишлаш ва сақлаш, инкубация цехларини ташкил этиш, паррандачиликка ихтисослашган бино-иншоотларни қуриш ва қайта таъмирлаш, махсус техника, эҳтиёт қисмлар ва бошқа асосий воситалар;

чет эл ташкилотлари ва унинг шўъба корхоналари, фирма дўконлари, дилерлик тармоқлари ва тадбиркорлик субъектлари томонидан паррандачилик хўжаликлари эҳтиёжи учун четдан келтирадиган парранда озуқа ва озуқа қўшимчалари, ветеринария препаратлари, диагностикаумлар ўрнатилган тартибда шакллантириладиган рўйхат бўйича божхона тўловларидан (божхона расмийлаштируви йиғимларидан ташқари) озод этилади.

17. “Паррандасаноат” уюшмасига:

Ўзбекистон Республикаси Ташқи ишлар вазирлиги, Ташқи савдо вазирлиги, “Ўзбекистон темир йўллари” АЖ, Давлат божхона қўмитаси билан биргаликда паррандачилик хўжаликлари томонидан импорт қилинаётган озуқалар, озуқа қўшимчалари ва асбоб-ускуналари ўз вақтида ва тўлиқ ҳажмда олиб кирилиши учун амалий ёрдам кўрсатиш;

2019 йил 1 февралга қадар муддатда ўз таъсис ҳужжатларини мазкур қарор талабларига мувофиқлаштириш, бунда асосий эътиборни барча паррандачилик хўжаликларини “Паррандасаноат” уюшмасига аъзо бўлиши учун мақбул шарт-шароитларни яратишга қаратиш тавсия этилсин.

18. Ўзбекистон Республикаси Қишлоқ хўжалиги вазирлиги “Паррандасаноат” уюшмаси билан биргаликда икки ой муддатда республикада соя ва кунгабоқар донларини қайта ишлаш бўйича замонавий корхоналарни ташкил этиш бўйича тегишли чора-тадбирларни ишлаб чиқсин.

19. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари бир ой муддатда:

деҳқон бозорлари ва аҳоли гавжум бўлган ҳудудларда парранда маҳсулотларини сотиш учун “Паррандасаноат” уюшмаси томонидан ишлаб чиқилган намунавий савдо фирма дўконларини ташкил этиш ва жойлаштириш бўйича манзилли дастурларни ишлаб чиқиб тасдиқласин;

паррандачилик соҳасига тўғридан-тўғри хорижий инвестицияларни жалб этиш мақсадида инвестиция лойиҳаларининг рўйхатини пухта ишлаб чиқиб, хорижий ҳамкорларни жалб этиш учун Ўзбекистон Республикаси Ташқи ишлар вазирлиги, Инвестициялар бўйича давлат қўмитаси ва “Ўзсаноатқурилишбанк” АТБга тақдим этсин.

20. “Паррандасаноат” уюшмасининг мамлакатда аккредитациядан ўтган дипломатик ваколатхоналар, хорижий сайёҳлар, турли мамлакатларнинг паррандачилик соҳаси вакиллари, эксперт ва мутахассисларни кенг жалб қилган ҳолда 2019 йилдан бошлаб **ҳар йили сентябрь ойида паррандачиликка оид кўргазма ўтказиш тўғрисидага таклифи маъқуллансин.**

21. Ўзбекистон Республикаси Ташқи ишлар вазирлиги “Паррандасаноат” уюшмасининг буюртмалари бўйича соҳани ривожлантириш ва замонавий техникаларни ўзлаштириш юзасидан таклиф этаётган хорижий мутахассислар ва кўргазмаларнинг хорижий иштирокчиларига кириш визалари консуллик йиғимлари ундирилмасдан расмийлаштирилишини таъминласин (ҳақиқий харажатларни қоплаш йиғимлари бундан мустасно).

22. Ўзбекистон Республикаси Ички ишлар вазирлиги “Паррандасаноат” уюшмасининг буюртмалари бўйича жалб қилинган хорижий мутахассисларга давлат божи ундирилмасдан кўп марталик кириш визалари расмийлаштирилиши, берилиши ва уларнинг муддати узайтирилишини, шунингдек вақтинча прописка қилиниши, турган жойи бўйича ҳисобга олиниши ва уларнинг узайтирилишини таъминласин.

23. Ўзбекистон Республикаси Қишлоқ хўжалиги вазирлиги, Иқтисодиёт вазирлиги, Давлат статистика қўмитаси, Давлат божхона қўмитаси, бошқа вазирлик ва идоралар “Паррандасаноат” уюшмасига мазкур қарор ва бошқа қонун ҳужжатлари билан юклатилган вазифаларни сифатли ва ўз вақтида бажариш учун ҳар томонлама амалий ёрдам кўрсатсин.

24. Қуйидагиларга:

Ўзбекистон Республикаси Бош вазирининг ўринбосари С.Р. Холмуродовга – ҳудудларнинг паррандачиликни ривожлантириш бўйича инвестиция лойиҳаларини молиялаштириш учун салоҳиятли инвесторларни излаш, паррандачилик соҳасига инвестицияларни жалб қилиш, маблағларнинг ўз вақтида ўзлаштирилишини таъминлаш учун;

Ўзбекистон Республикаси қишлоқ хўжалиги вазири Б.Т. Юсуповга – мазкур қарор билан тасдиқланган прогноз кўрсаткичлар ижроси устидан хўжаликлар кесимида мониторинг тизими ўрнатилиши ва уларнинг ҳисоботи юритилиши, паррандачилик кластерларининг фаолияти ташкил этилиши ҳамда уларга ҳар томонлама ёрдам кўрсатилиши учун;

“Ўзэлтехсаноат” АК раиси А.А. Абдуллаевга – парранда маҳсулотларининг барча турларини етиштириш, уларни барча босқичларда қайта ишлаш учун асбоб-ускуна, жиҳоз ва механизмларнинг республикада ишлаб чиқарилишини ташкил этиш учун;

Қорақалпоғистон Республикаси Вазирлар Кенгаши Раиси ва вилоятлар ҳокимларига – мазкур қарор билан тасдиқланган прогноз параметрларининг ижросини таъминлаш юзасидан туманлар ва паррандачилик хўжаликлари кесимида манзилли чора-тадбирлар дастурлари ўз вақтида ишлаб чиқилиб, тасдиқланиши ва уларнинг ижроси устидан доимий назорат олиб борилиши, шунингдек паррандачилик корхоналарига озуқа етиштириш учун ер майдони ажратилиши ва озуқа учун экилган дон экинлари давлат буюртмасига олинмаслиги учун шахсий жавобгарлиги белгилансин.

25. Ўзбекистон Миллий ахборот агентлиги ва Ўзбекистон Миллий телерадиокомпаниясига “Паррандасаноат” уюшмаси билан биргаликда паррандачилик соҳасида амалга оширилаётган ислоҳотларни оммавий ахборот воситаларида мунтазам ёритиб бориш тавсия этилсин.

26. Тошкент шаҳар ҳокимлиги бир ой муддатда “Паррандасаноат” уюшмасини жойлаштириш ва бино куриш учун ер майдонини ажратсин.

27. Ўзбекистон Республикаси Қишлоқ хўжалиги вазирлиги бир ой муддатда Вазирлар Макамасига қонун ҳужжатларига мазкур қарордан келиб чиқадиган ўзгартиш ва қўшимчалар киритиш тўғрисида таклифлар киритсин.

28. Мазкур қарорнинг ижросини назорат қилиш Ўзбекистон Республикаси Бош вазири А.Н.Арипов, Ўзбекистон Республикаси Президенти Администрацияси раҳбари З.Ш.Низомиддинов, Ўзбекистон Республикаси Бош прокурори О.Б.Муродов ва Ўзбекистон Республикаси Президенти маслаҳатчисининг биринчи ўринбосари Б.М.Мавлонов зиммасига юклансин.

Ўзбекистон Республикаси
Президенти

Тошкент шаҳри



Ш.Мирзиёев

**2019 йилда паррандалар сони ва етиштириладиган маҳсулотлар
прогноз параметрлари**

| № | Худудлар | Жами парранда (бош) | Тухум етиштириш (минг дона) | шундан, насли тухум (минг дона) | Парранда гўшти ишлаб чиқариш (тонна) | 1 кунлик жўжа етиштириш (минг дона) |
|-------------|------------------------------|---------------------|-----------------------------|---------------------------------|--------------------------------------|-------------------------------------|
| 1. | Қорақалпоғистон Республикаси | 4 310 045 | 287 000 | - | 9 900 | - |
| 2. | Андижон вилояти | 7 450 000 | 607 000 | 8 800 | 17 700 | 7 000 |
| 3. | Бухоро вилояти | 4 300 000 | 421 000 | 7 600 | 9 000 | 6 200 |
| 4. | Жиззах вилояти | 3 130 000 | 279 000 | - | 7 100 | - |
| 5. | Қашқадарё вилояти | 6 320 000 | 551 000 | 1 800 | 14 000 | 1 500 |
| 6. | Навоий вилояти | 2 590 000 | 316 000 | - | 4 600 | - |
| 7. | Наманган вилояти | 4 990 000 | 550 000 | 55 400 | 21 500 | 45 000 |
| 8. | Самарқанд вилояти | 10 900 000 | 1 404 000 | 114 300 | 25 000 | 92 000 |
| 9. | Сирдарё вилояти | 2 610 000 | 181 000 | 28 000 | 5 700 | 22 000 |
| 10. | Сурхондарё вилояти | 4 430 000 | 355 000 | - | 11 100 | - |
| 11. | Тошкент вилояти | 17 700 000 | 1 679 000 | 75 900 | 34 500 | 60 000 |
| 12. | Фарғона вилояти | 6 550 000 | 409 000 | 1 800 | 22 300 | 1 500 |
| 13. | Хоразм вилояти | 5 500 000 | 447 000 | - | 9 000 | - |
| Жами | | 80 780 045 | 7 486 000 | 293 600 | 191 400 | 235 200 |

Ўзбекистон Республикаси Президентининг
2018 йил “13” ноябрдаги ПҚ-4015-сонли қарорига
1а-илова

**2019 йилда паррандалар сони ва етиштириладиган маҳсулотлар
прогноз параметрлари**

| Худудлар номи | Жами парранда (бош) | Тухум етиштириш (минг дона) | шундан, насли тухум (минг дона) | Парранда гўшти ишлаб чиқариш (тонна) | 1 кунлик жўжа етиштириш (минг дона) |
|-------------------------------------|------------------------|--------------------------------|------------------------------------|---|--|
| Республика бўйича | 80 780 045 | 7 486 000 | 293 600 | 191 400 | 235 200 |
| Қорақалпоғистон Республикаси | 4 310 045 | 287 000 | | 9 900 | |
| <i>шундан</i> | | | | | |
| Амударё тумани | 836 059 | 55 080 | | 1 513 | |
| Беруний тумани | 543 442 | 38 684 | | 1 345 | |
| Кегейли тумани | 103 703 | 12 603 | | 519 | |
| Қонликўл тумани | 73 403 | 4 682 | | 305 | |
| Қораўзак тумани | 175 246 | 9 499 | | 326 | |
| Қўнғирот тумани | 254 637 | 25 033 | | 553 | |
| Мўйноқ тумани | 75 085 | 4 011 | | 100 | |
| Нукус тумани | 135 013 | 9 621 | | 300 | |
| Тахиатош тумани | 97 132 | 7 097 | | 2 201 | |
| Тахтақўпир тумани | 255 392 | 4 767 | | 440 | |
| Тўрткўл тумани | 360 661 | 32 236 | | 1 083 | |
| Хўжайли тумани | 312 152 | 23 094 | | 755 | |
| Чимбой тумани | 284 903 | 20 955 | | 572 | |
| Шўманай тумани | 109 821 | 9 161 | | 303 | |
| Элликқалъа тумани | 602 281 | 26 940 | | 1 494 | |
| Нукус шаҳри | 91 115 | 3 537 | | 72 | |
| Андижон вилояти | 7 450 000 | 607 000 | 8 800 | 17 700 | 7 000 |
| <i>шундан</i> | | | | | |
| Андижон шаҳри | 72 245 | 16 606 | | 934 | |

| | | | | | |
|-----------------------|------------------|----------------|--------------|--------------|--------------|
| Хонобод шаҳри | 58 420 | 9 262 | | 1049 | |
| Андижон тумани | 747 632 | 48 328 | | 1867 | |
| Асака тумани | 1 278 956 | 72 527 | 8 800 | 2290 | 7000 |
| Балиқчи тумани | 440 439 | 35 620 | | 1366 | |
| Бўз тумани | 231 625 | 22 890 | | 837 | |
| Булоқбоши тумани | 300 010 | 23 744 | | 664 | |
| Жалолқудуқ тумани | 836 831 | 52 037 | | 736 | |
| Избоскан тумани | 392 580 | 26 746 | | 1264 | |
| Қўрғонтепа тумани | 588 078 | 47 382 | | 614 | |
| Марҳамат тумани | 456 767 | 31 728 | | 623 | |
| Олтинкўл тумани | 205 918 | 30 760 | | 1320 | |
| Пахтаобод тумани | 566 900 | 75 694 | | 853 | |
| Улуғнор тумани | 184 806 | 21 149 | | 813 | |
| Хўжаобод тумани | 344 167 | 36 940 | | 952 | |
| Шаҳрихон тумани | 744 626 | 55 587 | | 1518 | |
| Бухоро вилояти | 4 300 000 | 421 000 | 7 600 | 9 000 | 6 200 |
| <i>шундан</i> | | | | | |
| Бухоро шаҳри | 40 338 | 1 231 | | 70 | |
| Когон шаҳри | 20 337 | 1 891 | | 5 | |
| Бухоро тумани | 407 411 | 33 770 | | 764 | |
| Вобкент тумани | 289 843 | 25 596 | | 684 | |
| Ғиждувон тумани | 610 930 | 46 519 | | 2213 | |
| Жондор тумани | 423 470 | 44 245 | 4 000 | 1336 | 3200 |
| Когон тумани | 1 309 612 | 118 282 | 3 600 | 1442 | 3000 |
| Қорақўл тумани | 339 642 | 45 883 | | 1062 | |
| Қоровулбозор тумани | 80 689 | 8 291 | | 38 | |
| Олот тумани | 179 959 | 21 328 | | 359 | |
| Пешку тумани | 117 999 | 21 714 | | 305 | |

| | | | | | |
|--------------------------|------------------|----------------|--------------|---------------|--------------|
| Ромитон тумани | 191 875 | 22 890 | | 349 | |
| Шофиркон тумани | 287 895 | 29 360 | | 373 | |
| Жиззах вилояти | 3 130 000 | 279 000 | | 7 100 | |
| <i>шундан</i> | | | | | |
| Жиззах шаҳри | 179 969 | 18 161 | | 307 | |
| Арнасой тумани | 80 072 | 5 036 | | 253 | |
| Бахмал тумани | 209 698 | 22 219 | | 977 | |
| Ғаллаорол тумани | 1 355 664 | 95 080 | | 990 | |
| Шароф Рашидов тумани | 246 421 | 20 725 | | 1 146 | |
| Дўстлик тумани | 77 473 | 7 925 | | 183 | |
| Зарбдор тумани | 112 279 | 9 862 | | 404 | |
| Зафаробод тумани | 104 258 | 7 316 | | 708 | |
| Зомин тумани | 407 279 | 59 831 | | 1 108 | |
| Мирзачўл тумани | 82 834 | 7 561 | | 73 | |
| Пахтакор тумани | 97 107 | 9 087 | | 385 | |
| Фориш тумани | 124 008 | 11 498 | | 555 | |
| Янгиобод тумани | 52 938 | 4 699 | | 11 | |
| Қашқадарё вилояти | 6 320 000 | 551 000 | 1 800 | 14 000 | 1 500 |
| <i>шундан</i> | | | | | |
| Қарши шаҳри | 558 784 | 23 572 | | 969 | |
| Ғузор тумани | 531 058 | 30 772 | | 401 | |
| Дехқонобод тумани | 164 167 | 15 997 | | 267 | |
| Касби тумани | 198 617 | 18 224 | | 445 | |
| Китоб тумани | 392 000 | 18 631 | | 676 | |
| Косон тумани | 511 580 | 55 789 | | 1 620 | |
| Қамаши тумани | 513 995 | 63 110 | | 803 | |
| Қарши тумани | 501 294 | 49 110 | | 1 056 | |
| Миришкор тумани | 317 570 | 11 549 | | 973 | |
| Муборак тумани | 236 375 | 16 439 | | 493 | |

| | | | | | |
|-------------------------|------------------|----------------|---------------|---------------|---------------|
| Нишон тумани | 372 296 | 27 954 | | 890 | |
| Чироқчи тумани | 666 021 | 66 987 | | 2 566 | |
| Шаҳрисабз тумани | 894 095 | 112 651 | 1 800 | 1 785 | 1500 |
| Яккабоғ тумани | 462 148 | 40 215 | | 1 056 | |
| Навоий вилояти | 2 590 000 | 316 000 | | 4 600 | |
| <i>шундан</i> | | | | | |
| Навоий шаҳри | 254 272 | 28 417 | | 89 | |
| Зарафшон шаҳри | 100 365 | 3 083 | | 48 | |
| Кармана тумани | 656 921 | 83 870 | | 906 | |
| Конимех тумани | 49 500 | 4 575 | | 141 | |
| Қизилтепа тумани | 698 217 | 96 393 | | 1 692 | |
| Навбахор тумани | 261 332 | 22 658 | | 532 | |
| Нурота тумани | 95 835 | 16 061 | | 50 | |
| Томди тумани | 11 500 | 1 153 | | 13 | |
| Учкудук тумани | 13 489 | 542 | | 3 | |
| Хатирчи тумани | 448 569 | 59 248 | | 1 126 | |
| Наманган вилояти | 4 990 000 | 550 000 | 55 400 | 21 500 | 45 000 |
| <i>шундан</i> | | | | | |
| Наманган шаҳри | 446 158 | 48 625 | | 3 859 | |
| Косонсой тумани | 1 330 993 | 78 398 | 17 000 | 3 086 | 15 000 |
| Мингбулоқ тумани | 211 975 | 20 569 | | 660 | |
| Наманган тумани | 587 407 | 87 309 | 15 000 | 6 024 | 10 000 |
| Норин тумани | 204 672 | 24 453 | | 1 334 | |
| Поп тумани | 173 788 | 45 090 | | 1 095 | |
| Тўрақўрғон тумани | 481 456 | 46 980 | | 416 | |
| Уйчи тумани | 457 628 | 38 238 | 23 400 | 865 | 20 000 |
| Учқўрғон тумани | 256 062 | 30 746 | | 1 900 | |
| Чортоқ тумани | 237 716 | 42 429 | | 566 | |
| Чуст тумани | 207 147 | 33 265 | | 663 | |

| | | | | | |
|--------------------------|-------------------|------------------|----------------|---------------|---------------|
| Янгиқўрғон тумани | 394 998 | 53 898 | | 1 032 | |
| Самарқанд вилояти | 10 900 000 | 1 404 000 | 114 300 | 25 000 | 92 000 |
| <i>шундан</i> | | | | | |
| Каттақўрғон шаҳри | 51 282 | 6 261 | | 88 | |
| Самарқанд шаҳри | 370 883 | 51 963 | | 130 | |
| Булунғур тумани | 467 106 | 41 638 | | 709 | |
| Жомбой тумани | 846 581 | 85 709 | 20 000 | 327 | 15 000 |
| Иштихон тумани | 475 320 | 65 788 | | 942 | |
| Каттақўрғон тумани | 947 006 | 65 300 | 15 000 | 6 095 | 12 000 |
| Қўшробот тумани | 399 882 | 32 997 | | 670 | |
| Нарпай тумани | 200 516 | 18 210 | | 213 | |
| Нуробод тумани | 274 230 | 19 016 | | 497 | |
| Оқдарё тумани | 370 022 | 48 611 | 5 300 | 1 876 | 3 000 |
| Пайарик тумани | 359 533 | 123 760 | | 1 008 | |
| Пастдарғом тумани | 585 783 | 68 712 | 6 000 | 898 | 4 000 |
| Пахтачи тумани | 248 548 | 30 471 | | 456 | |
| Самарқанд тумани | 4 248 645 | 627 314 | 68 000 | 4 990 | 58 000 |
| Тайлоқ тумани | 565 763 | 55 517 | | 4 149 | |
| Ургут тумани | 488 900 | 62 733 | | 1 952 | |
| Сирдарё вилояти | 2 610 000 | 181 000 | 28 000 | 5 700 | 22 000 |
| <i>шундан</i> | | | | | |
| Гулистон шаҳри | 319 772 | 17 675 | 28 000 | 298 | 22 000 |
| Ширин шаҳри | 26 037 | 912 | | 84 | |
| Янгиер шаҳри | 19 559 | 622 | | 46 | |
| Боёвут тумани | 287 405 | 11 427 | | 858 | |
| Гулистон тумани | 464 812 | 36 168 | | 592 | |
| Мирзаобод тумани | 233 092 | 29 740 | | 425 | |
| Оқолтин тумани | 197 769 | 6 960 | | 404 | |
| Сайхунобод тумани | 200 752 | 13 280 | | 664 | |

| | | | | | |
|---------------------------|-------------------|------------------|---------------|---------------|---------------|
| Сардоба тумани | 431 762 | 36 609 | | 286 | |
| Сирдарё тумани | 238 222 | 19 400 | | 1 159 | |
| Ховос тумани | 190 818 | 8 207 | | 884 | |
| Сурхондарё вилояти | 4 430 000 | 355 000 | | 11 100 | |
| <i>шундан</i> | | | | | |
| Термиз шаҳри | 632 519 | 4 355 | | 4 | |
| Ангор тумани | 287 873 | 19 882 | | 545 | |
| Бойсун тумани | 184 611 | 17 945 | | 812 | |
| Денов тумани | 461 243 | 48 921 | | 1 365 | |
| Жарқўрғон тумани | 320 700 | 21 020 | | 1 238 | |
| Қизирик тумани | 131 221 | 14 020 | | 890 | |
| Қумқўрғон тумани | 258 203 | 33 279 | | 1 288 | |
| Музработ тумани | 197 398 | 22 817 | | 713 | |
| Олтинсой тумани | 112 278 | 9 905 | | 447 | |
| Сариосиё тумани | 254 648 | 14 420 | | 722 | |
| Термиз тумани | 711 450 | 99 748 | | 705 | |
| Узун тумани | 408 357 | 14 143 | | 1 030 | |
| Шерабод тумани | 236 119 | 19 925 | | 767 | |
| Шўрчи тумани | 233 380 | 14 620 | | 574 | |
| Тошкент вилояти | 17 700 000 | 1 679 000 | 75 900 | 34 500 | 60 000 |
| <i>шундан</i> | | | | | |
| Ангрен шаҳри | 35 403 | 1 560 | | 181 | |
| Бекобод шаҳри | 55 650 | 10 573 | | 747 | |
| Чирчиқ шаҳри | 118 543 | 13 281 | | 256 | |
| Бекобод тумани | 450 711 | 25 997 | | 313 | |
| Бўка тумани | 523 739 | 30 509 | | 994 | |
| Бўстонлик тумани | 1 735 029 | 35 110 | 8 000 | 2 447 | 5000 |
| Зангиота тумани | 3 378 450 | 308 257 | 22 000 | 9 325 | 18000 |
| Қибрай тумани | 3 533 950 | 578 046 | 5 500 | 6 122 | 4000 |

| | | | | | |
|------------------------|------------------|----------------|--------------|---------------|--------------|
| Қуйичирчиқ тумани | 518 873 | 86 478 | | 1 343 | |
| Олмалиқ шаҳри | 13 938 | 1 707 | | 70 | |
| Оққўрғон тумани | 443 653 | 34 998 | | 462 | |
| Оҳангарон тумани | 728 802 | 42 275 | 18 000 | 836 | 16000 |
| Паркент тумани | 243 540 | 30 160 | | 1 012 | |
| Пскент тумани | 1 028 671 | 81 462 | | 779 | |
| Тошкент тумани | 205 421 | 2 480 | | 253 | |
| Ўртачирчиқ тумани | 2 165 076 | 217 641 | | 3 134 | |
| Чиноз тумани | 463 264 | 39 424 | | 1 703 | |
| Юқоричирчиқ тумани | 956 995 | 72 184 | | 2 209 | |
| Янгийўл тумани | 1 100 292 | 66 858 | 22 400 | 2 314 | 17000 |
| Фарғона вилояти | 6 550 000 | 409 000 | 1 800 | 22 300 | 1 500 |
| <i>шундан</i> | | | | | |
| Кувасой шаҳри | 588 597 | 47 551 | | 4 487 | |
| Қўқон шаҳри | 80 248 | 3 658 | | 414 | |
| Марғилон шаҳри | 86 887 | 5 050 | | 401 | |
| Фарғона шаҳри | 689 482 | 13 703 | | 857 | |
| Бешариқ тумани | 585 733 | 47 548 | 1 800 | 2 167 | 1 500 |
| Боғдод тумани | 472 817 | 32 205 | | 6 700 | |
| Бувайда тумани | 232 065 | 20 044 | | 471 | |
| Данғара тумани | 419 112 | 25 364 | | 310 | |
| Ёзёвон тумани | 143 335 | 13 237 | | 276 | |
| Қува тумани | 229 791 | 20 617 | | 394 | |
| Қўштепа тумани | 780 925 | 42 621 | | 469 | |
| Олтиариқ тумани | 242 531 | 13 441 | | 567 | |
| Риштон тумани | 202 648 | 19 237 | | 396 | |
| Сўх тумани | 80 698 | 7 554 | | 114 | |
| Тошлоқ тумани | 204 576 | 27 746 | | 422 | |
| Ўзбекистон тумани | 318 131 | 23 583 | | 452 | |

| | | | | | |
|-----------------------|------------------|----------------|--|--------------|--|
| Учкўприк тумани | 448 749 | 18 897 | | 325 | |
| Фарғона тумани | 575 269 | 15 505 | | 2 847 | |
| Фурқат тумани | 168 406 | 11 439 | | 231 | |
| Хоразм вилояти | 5 500 000 | 447 000 | | 9 000 | |
| <i>шундан</i> | | | | | |
| Урганч шаҳри | 17 409 | 2 901 | | 4 | |
| Боғот тумани | 552 056 | 43 862 | | 1 005 | |
| Гурлан тумани | 713 702 | 34 175 | | 785 | |
| Қўшқўпир тумани | 533 960 | 24 893 | | 1 048 | |
| Урганч тумани | 757 253 | 64 532 | | 1 236 | |
| Хазорасп тумани | 338 934 | 23 579 | | 733 | |
| Хонқа тумани | 752 011 | 85 797 | | 883 | |
| Хива тумани | 571 765 | 91 013 | | 953 | |
| Шовот тумани | 624 174 | 33 452 | | 741 | |
| Янгиарик тумани | 300 518 | 23 714 | | 845 | |
| Янгибозор тумани | 338 218 | 19 082 | | 767 | |

2019 йилда паррандачилик маҳсулотларини етиштириш ва қайта ишлаш корхоналарини ташкил этиш
прогноз параметрлари

| № | Худудлар | Паррандачилик кластерларни қуриш | Паррандаларни сўйиш ва бўлаклаш цехларини ташкил этиш | Паррандачилик маҳсулотларини ва чиқиндиларини қайта ишлаш корхоналари | Парранда учун тўла қийматли омухта ем ишлаб чиқиш корхоналари |
|-------------|---------------------------------|-------------------------------------|---|--|--|
| 1. | Қорақалпоғистон Республикаси | 1 | 1 | 1 | |
| 2. | Андижон вилояти | 1 | 1 | 1 | |
| 3. | Бухоро вилояти | 1 | 1 | 1 | 1 |
| 4. | Жиззах вилояти | 1 | 1 | 1 | |
| 5. | Қашқадарё вилояти | 1 | 1 | 1 | 1 |
| 6. | Навоий вилояти | 1 | 1 | 1 | |
| 7. | Наманган вилояти | 1 | 4 | 2 | 2 |
| 8. | Самарқанд вилояти | 1 | 4 | 2 | 2 |
| 9. | Сирдарё вилояти | 1 | 1 | 1 | |
| 10. | Сурхондарё вилояти | 1 | 1 | 1 | |
| 11. | Тошкент вилояти | 1 | 3 | 3 | 2 |
| 12. | Фарғона вилояти | 1 | 1 | 1 | |
| 13. | Хоразм вилояти | 1 | 1 | 1 | 1 |
| Жами | | 13 | 21 | 17 | 9 |

Ўзбекистон Республикаси Президентининг
2018 йил “13” ноябрдаги ПҚ-4015-сонли қарорига
3-илова

**2019 йилда паррандачилик маҳсулотларини экспорт қилиш
прогноз параметрлари**

| № | Худудлар | Жами экспорт (минг АҚШ доллар) |
|----------|------------------------------|---|
| 1. | Қорақалпоғистон Республикаси | 1 735 |
| 2. | Андижон вилояти | 3 076 |
| 3. | Бухоро вилояти | 1 844 |
| 4. | Жиззах вилояти | 1 342 |
| 5. | Қашқадарё вилояти | 2 676 |
| 6. | Навоий вилояти | 957 |
| 7. | Наманган вилояти | 2 480 |
| 8. | Самарқанд вилояти | 6 058 |
| 9. | Сирдарё вилояти | 752 |
| 10. | Сурхондарё вилояти | 1 992 |
| 11. | Тошкент вилояти | 9 100 |
| 12. | Фарғона вилояти | 2 758 |
| 13. | Хоразм вилояти | 2 232 |
| | Жами | 37 000 |

**2019 йилда саноат усулида боқилаётган паррандаларнинг озукага бўлган талаби
параметрлари**

| № | Худудлар | Саноат усулида боқилаётган паррандалар бош сони | Жами озука (100%) тонна | Озука қўшимчалари (тонна) | | | | | | | | | | |
|-------------|---------------------------------|---|----------------------------------|---------------------------|---------------------------|-----------------------|-----------------------------------|--------------------------|--------------------------|------------------|--|---|---|-----------------------------|
| | | | | Бугдой (40%) | Макка- жўхори (20%) | Соя шроти (12%) | Кунга- боқар шроти (15%) | Ўсимлик ёғи (2,5%) | Мети- онин (0,15%) | Лизин (0,15%) | Озука треонин, холин, орг. кис. (0,1%) | Моноди- трикалий фосфат (1,5%) | Туз, сода, озука охаги (8,5%) | Озука ферменти (0,1%) |
| 1. | Қорақалпоғистон Республикаси | 425 615 | 20 195 | 8 078 | 4 039 | 2 423 | 3 029 | 505 | 30 | 30 | 20 | 303 | 1 717 | 20 |
| 2. | Андижон вилояти | 1 607 815 | 76 291 | 30 516 | 15 258 | 9 155 | 11 444 | 1 907 | 114 | 114 | 76 | 1 144 | 6 485 | 76 |
| 3. | Бухоро вилояти | 1 389 545 | 65 934 | 26 374 | 13 187 | 7 912 | 9 890 | 1 648 | 99 | 99 | 66 | 989 | 5 604 | 66 |
| 4. | Жиззах вилояти | 935 525 | 44 391 | 17 756 | 8 878 | 5 327 | 6 659 | 1 110 | 67 | 67 | 44 | 666 | 3 773 | 44 |
| 5. | Қашқадарё вилояти | 2 090 240 | 99 182 | 39 673 | 19 836 | 11 902 | 14 877 | 2 480 | 149 | 149 | 99 | 1 488 | 8 430 | 99 |
| 6. | Навоий вилояти | 926 210 | 43 949 | 17 579 | 8 790 | 5 274 | 6 592 | 1 099 | 66 | 66 | 44 | 659 | 3 736 | 44 |
| 7. | Наманган вилояти | 2 815 775 | 133 609 | 53 443 | 26 722 | 16 033 | 20 041 | 3 340 | 200 | 200 | 134 | 2 004 | 11 357 | 134 |
| 8. | Самарқанд вилояти | 5 593 945 | 265 433 | 106 173 | 53 087 | 31 852 | 39 815 | 6 636 | 398 | 398 | 265 | 3 981 | 22 562 | 265 |
| 9. | Сирдарё вилояти | 1 111 360 | 52 734 | 21 094 | 10 547 | 6 328 | 7 910 | 1 318 | 79 | 79 | 53 | 791 | 4 482 | 53 |
| 10. | Сурхондарё вилояти | 1 794 805 | 85 163 | 34 065 | 17 033 | 10 220 | 12 775 | 2 129 | 128 | 128 | 85 | 1 277 | 7 239 | 85 |
| 11. | Тошкент вилояти | 8 671 690 | 411 472 | 164 589 | 82 294 | 49 377 | 61 721 | 10 287 | 617 | 617 | 411 | 6 172 | 34 975 | 411 |
| 12. | Фарғона вилояти | 2 125 085 | 100 835 | 40 334 | 20 167 | 12 100 | 15 125 | 2 521 | 151 | 151 | 101 | 1 513 | 8 571 | 101 |
| 13. | Хоразм вилояти | 1 768 700 | 83 925 | 33 570 | 16 785 | 10 071 | 12 589 | 2 098 | 126 | 126 | 84 | 1 259 | 7 134 | 84 |
| Жами | | 31 256 310 | 1 483 112 | 593 245 | 296 622 | 177 973 | 222 467 | 37 078 | 2 225 | 2 225 | 1 483 | 22 247 | 126 065 | 1 483 |

Ўзбекистон Республикаси Президентининг
2018 йил "13" ноябрдаги ПҚ-4015-сонли қарорига
5-илова

**2019 йилда парранда озукасини етиштириш учун
тадбиркорлик субъектларига ажратиладиган
ер майдонлари**

| № | Худудлар | Жами гектар* | шундан: | |
|-------------|---------------------------------|-----------------|-----------------------------|-------------------------------|
| | | | Буғдой етиштириш учун | Маккажўхори етиштириш учун |
| 1. | Қорақалпоғистон Республикаси | 633 | 483 | 151 |
| 2. | Андижон вилояти | 8 074 | 6 151 | 1 922 |
| 3. | Бухоро вилояти | 5 475 | 4 172 | 1 304 |
| 4. | Жиззах вилояти | 5 396 | 4 111 | 1 285 |
| 5. | Қашқадарё вилояти | 13 235 | 10 084 | 3 151 |
| 6. | Навоий вилояти | 1 947 | 1 483 | 464 |
| 7. | Наманган вилояти | 18 703 | 14 250 | 4 453 |
| 8. | Самарқанд вилояти | 26 108 | 19 892 | 6 216 |
| 9. | Сирдарё вилояти | 4 612 | 3 514 | 1 098 |
| 10. | Сурхондарё вилояти | 7 706 | 5 871 | 1 835 |
| 11. | Тошкент вилояти | 32 742 | 24 946 | 7 796 |
| 12. | Фарғона вилояти | 9 210 | 7 017 | 2 193 |
| 13. | Хоразм вилояти | 3 679 | 2 803 | 876 |
| Жами | | 137 520 | 104 295 | 32 592 |

*) Парранда озукасини етиштириш учун ажратилиши белгиланган ер майдонлари заруратга қараб ўзгартирилиши мумкин ҳамда улар биринчи навбатда суғориладиган ерлар тоифасига қирмайдиган ер майдонларидан ажратилади.

